



Samtök fræðsla- og símenntunarmiðstöðva á landsbyggðinni.

## **Haustfundur Kvasis á Egilsstöðum, 18. og 19. nóv., 2004.**

**Fyrri dagur:** Á fundinn eru mætt, Sigurður Ólafsson frá Fræðsluneti Austurlands, Guðrún Kristín Jónasdóttir, frá Fræþingi, Ásta Laufey Þórarinsdóttir stjórnarmaður Fræþings, Arnar Hjaltalín, stjórnarmaður Visku, Bergþóra Þórhallsdóttir, framkvæmdarstjóri Visku, Ína Sæmundsdóttir forstöðumaður MSS, Smári Haraldsson framkvæmdarstjóri og Þuríður Sigurðardóttir frá Fræðslumiðstöð Vestfjarða, Katrín Dóra Þorsteinsdóttir, Símeý, Inga Sigurðardóttir, Símenntunarmiðstöð Vesturlands, Ása Björk Stefándóttir, stjórnarmaður Símenntunarmiðstöð Vesturlands, Emil Björnsson frá FNA og Íris Lind Sævarsdóttir, skrifstofustjóri FNA og Laufey Eiríksdóttir, bókasafns- og upplýsingafræðingur hjá FNA, Guðjónína Sæmundsdóttir frá Símenntunarmiðstöð Suðurnesja og Bryndís Þráinsdóttir frá Farskólanum.

### **Dagskrá**

- 1. Hlutverk og framtíð Kvasis. Inga Sigurðardóttir**
- 2. Nefndarstörf FS net. Pétur Ingi Björnsson**
- 3. Uppbygging námsvera. Bryndís Þráinsdóttir**
- 4. Matur**
- 5. Kynning og umræður um starfshóp menntamálaráðuneytisins er fjallar um opinberan stuðning við skipulag og uppbyggingu á aðstöðu til fjarnáms utan höfuðborgarsvæðisins. Hópvinna.**
- 6. Stéttarfélagsaðild starfsmanna fræðslu- og símenntunarmiðstöðva á landsbyggðinni.**
- 7. Háskólanámssetur FNA- Líneik Sævarsdóttir, Laufey Eiríksdóttir, Sigurður Ólafsson**

Sigurður Ólafsson bauð gesti velkomna og bauð Ingu Sigurðardóttur, formann Kvasis, velkomna í ræðustól. Inga bauð gesti velkomna og bað menn að kynna sig. Enginn fulltrúi er frá Fræðsluneti Suðurlands að þessu sinni en Inga bar fundinum kveðju frá Jóni Hjartarsyni, forstöðumanni. Inga kynnti dagskrá báða dagana og breytingar á henni.

Fundarstjóri tilnefndur. Tillaga um Þorvald Jóhannesson og fundarritarar: Bryndís Þráinsdóttir og Sigurður Ólafsson. Tillögur samþykktar. Gengið til dagskrár.

### **1. Hlutverk og framtíð Kvasis: Inga Sigurðardóttir.**

Inga rekur sögu Kvasis og rifjar upp hlutverk samtakanna. (Sjá fylgiskjal 1.) Kvasir er sameiginlegur vettvangur skoðanaskipta, fundir haldnir haust og vor og félagsfundir á milli.

Kvasir er líka hagsmunasamtök fyrir hönd miðstöðvanna. Sér um skýrslugerð og upplýsingagjöf. Samhæfing varðandi þjónustu og fleira.



Samtök frvæðsla- og samskiptumála og landsbyggðamála.

Kynningarstarf hefur aukist mikið. Inga talar um að Kvasir þyrfti að vera með heimasíðu, kynningargögn og fl. Inga talar um samskipti við blaðamenn, fréttatilkynningar, nemendur og fl.

Framkvæmd verkefna fyrir hönd Kvasis er í höndum stjórnar Kvasis. Í stjórn er skipt um formann árlega. Róterandi stjórnarseta og formennska. Inga talar líka um gallana á núverandi fyrirkomulagi. Til dæmis flytjast gögn illa á milli félagsmanna, á milli stjórna. Formenn stjórna, hverju sinni, telja sig ekki getað sinnt þessu starfi nógu vel vegna annarra verkefna. Inga kemur með tillögur að lausn, t.d. ráða starfsmann í 20 % starf, eða borga formanni 20 % laun. (Sjá umræður, aftar)

## **2. Pétur Ingi Björnsson gerir grein fyrir sínum nefndarstörfum.**

Í gangi er stefnumótunarvinna hjá stjórn FS netsins. Verið að skoða það sem búið er að gera og athuga framtíðarmöguleika.

Utanlandsgáttin er alltof lítil. Búið er að ákveða að hún verði stækkuð verulega svo að hún verði ekki flöskuháls á umferð. Vandamál með samninginn við Skýrr. Ekki hægt að biðja um breytingar nema eyða í það stórfé. Utanlandsgáttin er þegar farin að kosta stórfé. Erlent niðurhal er sífellt að lækka í verði, en samningurinn við Skýrr bindur verðið. Nú er verið að reyna að fá Skýrr til að lækka verðið. Ef þeir samþykkja það ekki verður samningnum sagt upp (vankantar eru á samningnum sem gera það mögulegt). Samningnum verður sennilega sagt upp. Miklar tæknilegar framfarir hafa orðið og miklir möguleikar á að bæta þjónustuna og skera niður óþarfa kostnað. Þrír aðilar er skipta með sér stefnumótunarvinnunni. Pétur Ingi og Ágúst:

Utanlandsgátt tvöfölduð árlega

Eftirlit með brotum FS netsins. Reglubrot lækki um 10% á ári (brot er t.d. niðurhal á bíómyndum - Því fylgja hótanir um kærur frá framleiðendum kvikmynda).

Endurskipulagning tenginga með fækkun tengipunkta á að ljúka fljótlega

FS netið verði komið með eigin sambönd fyrir a.m.k. 20% lægri kostnað en áður

Skipta upp netinu þannig að höfuðborgarsvæðið og landsbyggðin með aðskilda utanlandsskrá. Auðveldara að ná samningum um Reykjavíkursvæðið.

Framtíðin er sú að við eigum FS netið meira sjálf. Tengslin við Landssímann eru til trafala.

Samningurinn við Skýrr. Búið er að taka sjö mánuði að fá stækkun á utanlandsgátt.

Gáttin er núna 10 megabæt. Stækkun upp í 20 kostar skv. Samningnum 1,7 millj.

Þetta er hægt að kaupa úti í bæ fyrir 300 þús. Það eru hins vegar atriði í samningnum

sem er ekki verið að uppfylla (quality of service- bankarnir virðast hafa forgang á

umferð milli 16:00 og 18:00). Spurningin er hvornig er hægt að segja samningnum

upp. Getu þeir lokað á okkur strax eða verður ákveðinn umbóttunartími? Þessi mál er verið að skoða með lögfræðingum.

## **3. Bryndís Bráinsdóttir- Uppbygging námsvera.**

Byrjaði á að fara yfir skilgreiningu á námsveri skv. byggðaaætlun fyrir

Eyjafjarðarsvæðið.



Samtök fræðslu- og almennmenntamálaráðs á landsbyggðum.

Sagði frá Námsstofu Skagastrandar sem hefur það markmið að styrkja og auka fullorðinsfræðslu og fjarnám á Skagaströnd. Þetta er grasrótastarf. Bryndís fór yfir aðstöðu og kostnað. Ráðinn var starfsmaður í 25% starf strax í byrjun. Starfsmaðurinn á að styrkja og auka fjarnám með því að hvetja til náms, styðja við fólk í fjarnámi og sjá um reksturinn.

Framtíðarsýnin er sú að gamli barnaskólinn verði standsettur, setrið verði tengt inn á FS netið, senntun aukist og styrkist og að ríkið komi að rekstrinum. Þessi uppbygging er algerlega að frumkvæði heimamanna.

Námsver á Dalvík. Spratt upp úr byggðaaætlun fyrir Eyjafjarðarsvæðið. Byrjað var á að kanna áhuga á fjarnámi, sem reyndist vera mikill og mikill áhugi á námsveri.

Bryndís fór yfir markmið námsversins á Dalvík. Svanfríður Jónasdóttir á frumkvæði að stofnun námsversins.

Bryndís vil vekja á huga á þessum grasrótaráhuga og hvetja til umræðna:

Hvernig vill ráðuneytið sjá þetta?

Hvernig viljum við sjá þetta?

##### **5. Kynning og umræður um starfshóp menntamálaráðuneytisins er fjallar um opinberan stuðning við skipulag og uppbyggingu á aðstöðu til fjarnáms utan höfuðborgarsvæðisins. Katrín Dóra Þorsteinsdóttir.**

Katrín gerir grein fyrir nefndarstörfum sínum í stóru nefndinni. (Sjá fylgiskjal 3) Tekur fram að þetta eru hennar sjónarmið. Haldnir hafa verið 10 fundir. Nefndin ekki enn búin að skila af sér. Fyrir hönd Kvasis eru Katrín og Inga Sigurðradóttir (í fjarveru Jóns Hjartarsonar). Nefndarstarfið, kynning, hugmyndavinna og hópvinna.

Starfshópurinn á líka að koma með tillögur til ráðuneytisins. Þessi nefndarstörf eru svar menntamálaráðherra við fyrirspurn Önnu Kristínar Gunnarsdóttur á Alþingi frá því haustið 2003. Hópurinn á að móta framtíðarsýn og hvernig á að ráðstafa fjármunum ráðuneytisins.

Katrín segir frá 10 fundum sem haldnir hafa verið.

Fundur 1. Farið yfir skipunarbréf. Talið að nám í heimabyggð fari vaxandi, hvernig skal bregðast við. Svo virðist sem ekki eigi að setja meiri peninga í þennan flokk.

Fundur 2. Viðhengiskönnun skoðuð. Skýr munur á hópi frá höfuðborgarhópi og landsbyggð. Kvasir kynnti hugmyndina að grunnverkefnum og sérverkefnum.

Fundur 3. Skýrsla vinnuhóps um háskólanámssetur á Vestfjörðum kynnt. Farið yfir framlög hins opinbera til símenntunar 2004. Skoðuð meðaltekjuskipting miðstöðvanna og tölur um fjarnema vorið 2004.

Fundur 4. Aðalsteinn Eiríksson var gestur og kynnti niðurstöðu skýrslu starfshóps. Hann telur að fjarnám og fjarkennsla lúti sömu lögmálum og önnur kennsla og nám. Allt lögbundið framhaldsskólanám skuli vera gjaldfrjálst áfram

Fundur 5. Gísli Þ. Magnússon var gestur. Hann kom frá fjármálasviði mmr. Niðurstaða að viðbótarkostnaði vegna fjarnáms yrði ekki bætt inn í líkan háskólanna. Gísli varpaði ljósi á samningana sem við erum að gera við ráðuneytið, símenntun er ekki inni í þeim samningum.



Samtali fræðslu- og símenntunarmiðstöðva á landabyggðinni.

Fundur 6. Lagðar fram af mmr. Fjórar leiðir. 1. Föst upphæð vegna fræðslu og símenntunarmiðstöðva. Leið 2. Veita fé til einstakra háskólanámssetra til að kaupa námskeið af háskólum. Leið 3. Netháskóli. Leið 4. Staðgreiðslukerfi. Mesta umræðan varð um staðgreiðslukerfið. Upp úr því kom fram tillaga á næsta fundi.

Fundur 7. Háskólanám greitt m.v. þreyttar einingar (nefnt 2.500 kr á einingu). Niðurstaða var ákveðinn skilgreiningarvandi því ef ætti að greiða fyrir hverja einingu þá má spyrja hvenær hefur nemandi þreytt einingu. Er það miðað við próf eða kennsluaðstöðu. Þarf að finna raunverulegan kostnað fjarnemans.

Fundur 8. Hugmyndir Rögnvaldar og Katrínar lagðar fram. Raunverulegur kostnaður miðstöðvanna er mest tengdur húsnæði, starfsfólki og tækjabúnaði. Skilvirkasta fjármögnunarkerfið byggist á raunverulegum rekstrarforsendum. Það er erfitt að eiga við fjöldatengt kerfi.

Fundur 9. Nýjar hugmyndir komnar fram hjá ráðuneyti. Það kynnir uppbyggingu þekkingarnets á landinu. Ekki samkvæmt svæðaskilgreiningu miðstöðvanna 9. Tillögur frá Rögnvaldi, Katrínu og Ingu. Gögn lögð fram en ekki rædd ýtarlega. Hljómgrunnur ekki mikill.

Fundur 10. Á milli 9. og 10. funda átti ráðuneytið að vinna hugmyndir. Gagnrýni fulltrúa Kvasis. Vilja lausnir ekki bara hugmyndir. Talað eingöngu um háskólanám en önnur hlutverk látin liggja á milli hluta. Hlutverk fræðslu- og símenntunarmiðstöðva er eingöngu tengt símenntun. Eins og ráðuneytið telji að háskólanámið sé bara tilviljun hjá stöðvunum. eru svolítið fastir í skilgreiningum á símenntunarmiðstöð, þekkingarsetri og fræðasetri. Eins og ráðuneytið telji að það eigi eftir að staðsetja háskólanámið þótt við vitum að það er búið að staðsetja það. Við þurfum skýrari svör um hlutverk miðstöðvanna. Niðurstaða að menn yrðu að setjast niður og hugsa og síðan verður fundur í lok nóvember.

Katrín óskar eftir fyrirspurnum um störf nefndarinnar.

Sjá umræður aftar.

#### **Kynningar á tillögum um ríkisframlag**

Skilgreina grunngerð enn skýrar en áður. Þetta eru laun forstöðumanns. Starfsaðstaða fyrir forstöðumann, rekstur og viðhald heimasíðu, FS netið og menntabréið og fleira. Hvað á forstöðumaður að gera: Skipta í prósentuhlutföll, stjórnun og rekstur miðstöðvarinnar, hvatning (hvaða hvatning), kynningar, veita aðgang að upplýsingum, eiga frumkvæði að þróun fræðslumála og fleira. Þessi grunngerð kosti 10.000.000 og jafnt til allra miðstöðva.

Aðstaða til fjarnáms. Kennsluaðstaða. Kostnaður við að reka kennslustofu, umsjón, aðstaða, tækjabúnaður. Ein eining kennsluaðstöðu sé 50 % starf. Á eftir að skilgreina hversu margar einingar hver miðstöð á að hafa (Sjá fylgiskjöl). Kennsluaðstaða getur verið hreyfanleg frá stað og tíma.

Námsverin eru greidd af sveitarfélögunum. Mjög áhugavert að hver miðstöð eigi yfir að ráða einu ígildi námsvers og gerð kostnaðaráætlun út frá því eða 30 % starfshlutfall.



Samtök fróðsögu- og sáttmálaráðgjöf og leiðsögnarfræðinga í landbúnaði.

Önnur þjónusta eins og prófataka, námsráðgjöf og fl. Tillögur um að ákveðið hlutverk sé ríkisframlag. Það þarf að vera tvöfalt bókhald. Menn vilja sjá þessa skiptingu á pappírnum. Bókhald fyrir ríkisframlagið og bókhald fyrir sérverkefnið. Þessar tillögur eru ekki fullmótaðar, Sérverkefni með stuðningi frá ríkinu eins og íslensku fyrir nýbúa og hvernig menn vilja vinna með ný tækifæri til náms. Háskólamir munu ekki taka þátt í auknum kostnaði eins og vegna prófatöku, þeir munu þá ekki bjóða upp á fjarnám. Við þurfum að forgangsraða. Í Háskólanámssetrunum er búið að tryggja háskólanámið næstu þrjú árin. Emil ræðir tillögur Katrínar og Ingu. Telur þurfa að standa vel að málum vegna nemandans. Hlutverkið er að annast vel nemendur okkar í háskólanáminu. Ekki víst að hefðbundinn háskóli eigi sér langa framtíð. Við komum inn með hagsmuni nemenda okkar að leiðarljósi. Katrín bendir á að embættismenn hafa aðra sýn en stjórnálmenn. Það er staðreyndin að peningar ráði úrslitum í þessu máli. Laufey bendir á nemendur í erlendum skólum. Þeir eiga eftir að aukast. Þeir eru velkomnir til FNA. Inga bendir á að miðstöðvarnar séu að lenda í erfiðleikum vegna háskólanemanna. Ina segir að þau taki gjald af fjarnemum. Fleiri gera það.

Inga segir frá spurningablaði sem er í sjö liðum (sjá spurningablað). Skiptir í hópa. Vinna í spurningunum í klukkutíma. Skila álitum í pontu og skriflega. Stjórn Kvasis og síðar fulltrúar nefndarinnar munu vinna úr þessum upplýsingum. Kynningar á tillögum um ríkisframlag Niðurstöðum hópavinnu skilað til fundarmanna.

Starfshópur menntamálaráðuneytisins.

### Álit vinnuhóps 2.

#### 1. spurning:

- Verkefni forstöðumanns er m.a. að safna og skrá upplýsingar.
- Spurning hvort framlag vegna ferðakostnaðar eigi að vera sá sami hjá öllum miðstöðvunum. Þessi upphæð er sennilega of lág.
- Háskólanemar við erlenda háskóla skulu hafa sömu stöðu og þeir er nema við innlenda skóla.
- Hópurinn spyr hvers vegna sé ódýrara að reka námsver en kennsluáðstöðu.
- Próftaka er órjúfanlegur hluti náms, þ.á.m. hjá fjarnemum.
- Hvaða tækniástoð er rætt um í „Annari Þjónustu“?

#### 2. spurning:

- Við viljum fá greitt fyrir það.
- Engu skiptir hvort skólamir eru ríkisreknir eða „einkareknir“.
- Ekki sammála/ekki viss.

#### 3. spurning:

Nei.



Samtök fræðslu- og símenntunarmiðstöðva á landshyggðinni.

4. spurning:

Samræma þjónustu og gjaldskrá gagnvart nemendum og háskólum innan sama svæðis, en varla er hægt að samræma gjaldskrá milli miðstöðva.

Kvasir fari fari í viðræður við háskólana vegna kostnaða við próf.

5. spurning:

Sá sem notar aðstöðu miðstöðvanna, m.a. til að taka próf.

(Einnig nætti nota má skilgreiningu í 3. lið tillagna I, K og J).

6. spurning:

Fjarnámssvæði er ákveðið samgöngusvæði, svo sem í einnar klukkustunda fjarlægð frá námsveri. Fjarlægðin á þó ekki að vera ráðandi. Sama gildir um alla háskóla.

7. spurning:

a.

b. Það er snýr að námi og kennslu er þetta allt meira og minna það sama. Með þekkingarsetri er einnig verið að ræða um rannsóknarstarfsemi.

c. Símenntunarmiðstöðvarnar eiga að reka háskólanámssetrin.

Hópurinn skipuðu, Emil, Bryndís, Þuríður, Arnar og Smári.

### Hópur 3

1. Já

2. Nei

a) Það þýðir að það mundi þrengja að þeirri þjónustu sem veitt er háskólanemum nú þegar. Fræðslu- og símenntunarmiðstöðvarnar flestar eru að sinna þessari þjónustu við háskólana í dag.

b) Við teljum að fræðslu"netin" geri ekki greinarmun á því

c) Nei

3. Ekki framtíðarlausn, en engu að síður er þetta skref fordæmisgefandi.

Fræðslumiðstöðvarnar vinni áfram að því að afla fjármagns til námsvera.

4. Já a) og b)

5.

6. a) nei ekki eingöngu. Það þarf að þarfagreina svæðin samhliða. Erum hlyntar tillögu um fagråd (liður 3 vantar inn háskólanám og fagråd)

b) Það mætti vera en ekki ýkt.

7. Í hópnum er ósætti við þróunina. Allt of tilviljanakennt. Form ekki yfirfært á milli landssvæða. Allir þurfa að hefja vinnuna frá grunni á hverju landssvæði.

b) nei

c) Við ættum að fá viðurkennt að okkar hlutverk sé að sjá um háskólanámið á þessum svæðum.

Inga þakkar fyrir þessa vinnu hópanna. Næsti fundur í nefndinni er næsta fimmtudag. Óskar Inga eftir niðurstöðum, skriflegum frá hópnum í síðasta lagi næsta mánudag. Leggur til að við förum með spurningarnar inn í miðstöðvarnar og hver miðstöð svari þessum spurningum skriflega. Svára þessu með stjórn sem allra fyrst eða fyrir 10 desember.



Samtök fræðslu- og símenntunarmiðstöðva á landsbyggðum.

## **6. Stéttarfélagsaðild starfsmanna fræðslu- og símenntunarmiðstöðva. Emil Björnsson.**

Emil kynnir í hvaða stéttarfélagi starfsmenn stöðvanna eru. Virðist ekki vera nein ein lína í þessum málum. Það þarf að ganga á fund KÍ og ræða þessi mál. Emil leggur þessar upplýsingar fram. Laufey bendir á að KÍ félagar á Egilsstöðum séu félagalausir núna þar sem búið er að reka þá úr skólastjórafélaginu ásamt fleirum. Starfsfólk á skólaskrifstofum eru að hugsa um að stofna sér deild innan KÍ. Umræður líflegar um þennan lið.

Ása Björg stjórnarformaður hjá símenntunarmiðstöð Vesturlands kveður fundinn og fer í flug.

Emil biður stjórn að skoða listann og taka málið til skoðunar. Emil falið að skoða þetta mál áfram.

## **7. Háskólanámssetur FNA**

Líneik Sævarsdóttir lýsti aðdraganda stofnunar háskólanámsseturs á Egilsstöðum. Boltinn hefur rúllað hratt síðan FNA var stofnað. Nemendum á háskólastigi hefur fjölgað úr 20-30 í 190 á þessari önn. Hún lýsti hugmyndavinnu um háskólastarfsemi á Austurlandi, m.a. með Háskólanum á Akureyri, en þær hugmyndir runnu allar út í sandinn. Svo var stofnaður vinnuhópur árið 2002 með aðkomu A-Héraðs,

Þróunarstofu Austurlands, FNA og Skógræktarinnar. Út úr því kom skýrsla þar sem í er hugmynd um þekkingarsetur. Menntamálaráðherra keypti hugmyndina, þ.e. háskólanámsseturshlutann af henni. Stofnaður var vinnuhópur um verkefnið sem í voru m.a. Emil Björnsson. Niðurstaðan varð sú að lagt var til að stofna háskólanámssetur sem myndi tengjast fyrirhuguðu þekkingarsetri. Lagt var til að FNA myndi reka setrið og að það fengi fjármuni á fjárlögum. Fjárveiting var tryggð í gegnum samkomulag menntamálaráðuneytis og iðnaðaráðuneytis um byggðamál. Háskólanámssetrinu voru því tryggðir fjármunir í þrjú ár. Í samningnum við menntamálaráðuneytið voru þrjú markmið með verkefninu: Að stuðla að auknu framboði háskólanáms í fjórðungnum, að leita leiða til að tengja stafsemi háskólanámsseturs við atvinnulíf í fjórðungnum og að taka þátt í þróun fjarnáms.

Laufey Eiríksdóttir lýsti búnaði, notkun og þjónustu setursins.

Laufey sagðist hafa klárað nám á fjarnámsformi- nám í ferðamálafræði. Þar kynntist hún af eigin raun raunum fjarnemans. Hún sagðist þjóna öllum fjarnemum á svæðinu, ekki bara þeim sem nota setrið. Laufey lýsti því næst búnaði setursins. Laufey sagði að þjónusta setursins væri byggð á fyrirmynd Háskólans á Akureyri. Ráðgjöf til nemenda, ráðgjöf við heimildarvinnu, millisafnalán, útseld vinna ráðgjafa (bókasöfn-markviss), leiga á húsnæði og búnaði.

Laufey lýsti vandræðum með hugbúnað og notendaleyfi. Illa hefur gengið að fá forritin frá háskólunum. Laufey áréttaði mikilvægi þess að miðstöðvarnar stæðu saman um að krefjast þess að háskólarnir skaffi leyfi.



Samráðs fræðsla- og símenntunarmiðstöðva á Innviðbyggðinni.

Laufey sagði plássleysi vera farið að há starfseminni. Sérstaklega vantar lesaðstöðu, þar sem sú aðstaða sem er fyrir hendi er fyrst og fremst kennsluaðstaða. Laufeyju finnast myndfundir ekki vera nægilega margir- fjöldi myndfunda er ca. 14-15 fundir á viku. Laufey sagði fyrst og fremst vanta vinnuaðstöðu fyrir starfsmenn, aukið rými til að bjóða nýjum hópum inn, rými fyrir enn stærri hópa til fundahalda og námskeiða og sérstaka lesaðstöðu fyrir nemendur.

Sigurður Ólafsson kynnti áfram starfsemi Háskólanámssetursins. Kynnti hugmyndir að þekkingarráði Austurlands. Umræður um Háköla- og þekkingarsetrin. Líneik bendir á að á Egilsstöðum, Húsavík og Ísafirði hafi menn byrjað á mismunandi punkti í uppbyggingunni setrana en væntanlega muni það samt leiða til sömu niðurstöðu. Rætt um nefndina sem Katrín og Inga sitja í. Menntamálaráðuneytið hefur látið hafa það eftir sér að byggðamál séu ekki á þess herðum. Inga telur að ráðuneytin vinni ekki vel saman. Fjármunir til háskólanámssetursins hefur dreifst víða um svæðið, geta boðið upp á þjónustuna um allt svæðið.

Sigurður bendir á að við verðum að vera aktív í að móta stefnuna. Þó menn fari ólíkar leiðir vilja menn sjá sömu niðurstöður. Katrín bendir á að ráðuneytismenn vilji ekki sjá sömu niðurstöðu varðandi miðstöðvarnar. Katrín bendir á að framtíðarsýn sé ekki nóg heldur þurfi lausnir núna í sambandi við miðstöðvarnar.

#### 9. Forstöðumenn miðstöðvanna greindu frá starfsemi þeirra

Guðrún Kristín Jónsdóttir greindi frá starfsemi Fræþings

Katrín Dóra Þorsteinsdóttir greindi frá starfsemi Símeý

Smári Haraldsson greindi frá starfsemi Fræðslumiðstöðvar Vestfjarða

Bryndís Þráinsdóttir greindi frá starfsemi Farskólans

Bergþóra Þórhallsdóttir greindi frá starfsemi Visku

Guðjónína Sæmundsdóttir greindi frá starfsemi Miðstöð símenntunar á Suðurnesjum

Sigurður Ólafsson greindi frá starfsemi Fræðslunets Austurlands

Inga Sigurðardóttir greindi frá starfsemi Símenntunarmiðstöðvarinnar Vesturlandi



Samtök fræðslu- og sámenntunarmiðstöðva á landsbyggðum.

Félagsfundur Kvasis á Egilsstöðum, 19. nóv., 2004, kl. 13:30

## Dagskrá

1. Starfsnefndaskil
  - a) Heildarsamtök fullorðinsfræðsluaðila – Smári Haraldsson
  - b) Menntabréarsamningurinn – Inga Sigurðardóttir
  - c) Samstarfsnefnd Kvasis, HI og HA – Inga Sigurðardóttir
2. Tillögur og ályktanir
  - a) Afgreiðsla tillagna og ályktana
3. Önnur mál

### 1. Starfsnefndaskil.

a) Smári Haraldsson segir frá. Kvasir sem dekkar bara landsbyggðina og þótti nauðsynlegt að bæta öðrum aðilum inn í heildarsamtök. Nokkrir aðilar boðaðir til fundar; Mímir-sámenntun, FA, Kvasir og Sámennt. Við bættust fulltrúar frá Námsflokkum Reykjavíkur og Hafnarfjarðar, Fjölmennt og Starfsmennt og Fræðslumiðstöð málmíðnaðarins. Smári situr nú í hópnum fyrir hönd Kvasis. Hópurinn hefur komið tvisvar saman. Málin standa þannig að á síðasta fundi var samþykkt að unnið yrði að því að stofna heildarsamtök fullorðinsfræðsluaðila. Til að byrja með héldu menn sig við ofangreind samtök, og e.t.v. fleir sem sem væru óformleg. Í byrjun desember eiga að vera tilbúin drög að samningi. Í kjölfarið verði síðan auglýstur stofnfundur. Smára hugnast betur að hver sámenntunarmiðstöð gerist aðili frekar en Kvasir.

Umræður og fyrirspurnir engar.

b) Menntabréarsamningurinn er í höfn segir Inga Sigurðardóttir. Eftir er að undirrita samninginn, við hátiðlega athöfn.

c) Búið að skipa samstarfsnefnd þriggja aðila: Kvasis, HA og HÍ. Jón Hjartarson og Inga eru fyrir hönd Kvasis. Nefndin hefur ekki enn komið formlega saman. Ýmis praktísk atriði sem nefndin á að fjalla um eins og próf fjarnema og fl. Tillaga um að skrifa undir þennan samning í kringum 1. desember. Inga tekur að sér að skoða þetta.

Inga minnir á að hver miðstöð hefur eitt atkvæði í kostningum um tillögur.



Smíðk fræðslu- og símenntunarmiðstöðva á landsbyggðinni.

## 2. Tillögur og ályktanir

### a) Tillaga frá stjórn Kvasis.

„Félagsfundur Kvasis samtaka um fræðslu- og símenntunarmiðstöðva á landsbyggðinni haldinn á Egilsstöðum 19. nóv. 2004 samþykkir að skráningargjald fyrir nema sem stunda reglubundið fjarnám og er skráður þjónustuvegi fræðslu- eða símenntunarmiðstöðvar innan Kvasis verði það sama á öllum miðstöðvunum.

Innifalið í gjaldinu er:

Aðgangur að reglubundnum fyrirfram ákveðnum myndfundum frá viðkomandi háskóla, aðgangur að námsveri – vinnuaðstöðu á auglýstum opnunartíma. Aðgangur að tölvuveri – þráðlausu neti fyrir fartölvur. Kaffi og te og annað sem ákveðið er á hverjum stað. Ljósritun gegn lágmarksgjaldi (10 kr). Skráningargjald er 2500/5000 kr á önn og tekur eðlilegum verðlagsbreytingum. Félagsfundur Kvasis tekur ákvörðun um breytingar á gjaldinu”.

Umræður um tillöguna. Nefnt m.a. að tillöguna þurfi að skilgreina betur. Hjá MSS eru ekki gerðar neinar athugasemdir við gjaldið sem er 10.000 kr á önn. Katrín sér ekki hvernig við getum „ekki fengið greitt fyrir þetta”. Katrín leggur fram breytingatillögu. Smári spyr um hvað „skráður þjónustuvegi sé” og honum finnst að háskólarnir ættu að innheimta þessi gjöld. Inga svarar því hvað „skráður þjónustuvegi sé”. Það er nemandi sem háskólinn hefur beðið okkur fyrir.

Breytingatillaga:

**„Félagsfundur Kvasis samtaka fræðslu- og símenntunarmiðstöðva á landsbyggðinni haldinn á Egilsstöðum 19. nóv. 2004 samþykkir að tveir til þrjú fulltrúar Kvasis taki að sér að móta tillögur að samræmdu þjónustugjaldi sem kynnt verði á næsta félagsfundi Kvasis”.**

Tillagan samþykkt með 7 atkvæðum og einn sat hjá.

### b) Tillaga frá stjórn.

„Félagsfundur Kvasis samtaka fræðslu- og símenntunarmiðstöðva haldinn á Egilsstöðum 19. nóvember 2004 samþykkir að Samtökin ráði framkvæmdastjóra Kvasis í 20% starf frá og með næsta starfsári ( frá aðalfundi 2005) Formaður Kvasis hverju sinni ráðstafar starfinu í samráði við stjórn Kvasis. Laun skulu taka mið af launum framkvæmdastjóra miðstöðvanna”.

Umræður um tillögurnar. Smári vill ekki ráða framkvæmdarstjóra hjá Kvasi. Telur þetta miklu stefnubreytingu. Vill fresta þessu til vorfundar. Bergþóra talar um að fela fleirum verkefni á vegum stjórnarinnar. Vill sjá reglulega fundi í fjarfundabúnaðinum.



Samtök Fræðslu- og símenntunarmiðstöðva á landsbyggðinni.

Inga talar um framkvæmdarstjórástöðuna og bendir á að formaður hverju sinni ráðstafi starfinu. Hann getur tekið þetta að sér sjálfur og fengið þá aðra í hlutastarf fyrir þennan pening. Katrín nefnir að hún hafi skilið þetta þannig að greiðslan fylgdi hverjum formanni og hann nýtti þá greiðsluna innan sinnar stöðvar. Talar um tillöguna frá Bergþóru varðandi fundi í fjarfundabúnaði þannig var þetta í upphafi.

Það er verið að senda póst nú þegar frá stjórn út á miðstöðvarnar en það virkar ekki eins og það á að virka. Það þarf að fylgja eftir með símtölum. Telur það gleðilegt ef það er hægt að virkja fólk meira. Sigurður telur tillöguna um 20 % laun skynsama. Formaður geti þá sjálfur ákveðið hvernig hann ráðstafar peningunum. Styður að þessi mál verði færð til vorfundar. Hvetur okkur til að vera virk í umræðunni. Guðrún tekur undir það að miðstöðvarnar séu virkar. Telur að hægt sé að dreifa verkefnum. Bendir á að það að halda úti heimasíðu sé mikil vinna. Bendir á að ef við fáum tölvupóst að lesa hann af athygli og með góðu skipulagi sé hægt að virkja meðlimi félagsins án þess að það sé mjög íþyngjandi. Umræður áfram um dreifingu verkefna frá stjórn, bæði varðandi samvinnu og kynningar og fjarfundi. Inga bendir á að allir geti beðið um félagsfund. Smári telur það vel koma til greina að halda mánaðarlega fundi í fjarfundabúnaði. Katrín nefnir dæmi um þegar verkefni voru framundan og hún bað um þátttöku annarra og engin gat sinnt því.

**Frávísunartillaga um að tillögu stjórnar um laun (20 %) til framkvæmdarstjóra verði vísað til vors, samþykkt með 6 atkvæðum með og einn var á móti.**

c) Tillaga frá Bergþóru

**„Félagsfundur Kvasis leggur til að Fræðslu- og símenntunarmiðstöðvarnar á landsbyggðinni haldi til reynslu reglulega fundi og nýti til þess þá tækni sem miðstöðvarnar hafa yfir að ráða. Stjórn Kvasis haldi utan um fundina og stýri þeim”.**

Samþykkt með 6 atkvæðum og enginn á móti.

d) Tillaga frá Katrínu:

**„Félagsfundur Kvasis samtaka um fræðslu- og símenntunarmiðstöðvar á landsbyggðinni haldinn á Egilsstöðum 19. nóv. 2004 samþykkir að standa sameiginlega að samningsgerð vegna þjónustu við fjarnemendur sameinaðra skóla: Tækniháskóla Íslands og Háskólans í Reykjavík”.**



Samtök fræðstu- og simeintunarmálaáhrifa á lausföggðinni.

---

Katrín fylgdi tillögunni eftir. Bergþóra er þegar búin að semja við Tækniháskólann. Telur forsendur nú breyttar vegna sameiningar THÍ og Háskólans í Reykjavík. Tillagan samþykkt samhljóða.

### **3. Önnur mál.**

a) Samþykkt að Bryndís, Ína og Bergþóra taki að sér að móta tillögur varðandi gjaldskrá stöðvanna fyrir vorfundinn.

b) Tillaga um að Sigurður Ólafsson fari í stjórn Menntabráar sem fulltrúi Kvasis. Tillagan samþykkt samhljóða.

Inga tekur til orða og þakkar fundarmönnum fundarsetuna. Eftir er að ákveða hver á að hýsa vorfundinn. Telur Vesturland vera næst á dagskrá. Smári kemur með tillögu um að stjórn taki það saman hvar fundirnir hafi verið haldnir. Formaður felur ritara að taka saman hvenær og hvar fundir Kvasi hafi verið haldnir. Inga þakkar samveruna og óskar mönnum góðrar heimferðar.